

Vorinformation

Das Canadateam sehr, sehr viel hat dörfe Ernte, sind mir chli hinedri mit eusem Newsletter. D Redaktion hat am letschte Sunntig (11.09.2011) duregschaffet.

Zum Bricht:

Bi dr Arbet

29.08 - 04.09.11

I dere Vorbereitigswuche vor de Grosse Ernti hend mir na allerhand repariert im Shop. Da fallet Mähdrescher, Auger (Förderschnecken), Laschtwäge, Traktore, Weizenanhänger, usw. drunter! Da hend mir doch wiederum e ganz „normali“ Arbeitswuche (Mo - Fr) gha wie scho lang nüme. S het doch tatsächlich es langs wuchenend geh. Das hend mir usgnützt zum Vorbereite!



Die ERNTE!!!

05. - 17.09.11

Mäntig morge 07.00 was machet mir? Wetter luege! S het di ganzi Wuche Sunne aagseit. Churzi Ziit drüberabe hend mir d Mähdrescher gstartet und die Mähbalke aghenkt, und sind ufs Feld usegfahre. **D Saison het gstartet!!** Agfange hend mir mit Weize dresche. Nacheme super erste Tag hend mir zwüschet 22.00 - 23.30 Fiirrobig gmacht. So isches wiitergange di nächschte 12 Täg.

Allgemeine Information:

Fahrzeuge: 4 Mähdrescher, 1 GrainCart (zum Drescher entladen), 3 Laschtwäge, en huufe Auger, 2-3 Traktore, 1 Servicewagä, 1 Pickup

Arbeiter: 4 Mähdrescheroperatöre... im alter zwischen 9 - 84 Jahre, 1-2 Chauffeuren mit 3-4 Laschtwäge, 1 Logistiker/Laborant... (sorgt damit s richtige Korn in richtige Silo ine chunnt und misst d Füechtigkeit im Korn)



Newsletter Canada



Erscheinungstermine: Sporadisch (ca alle 2 Wochen)

Ueli und Daniel

Newsletter Canada



Bei allfälligen Fragen über Mähdrescher und Ernte, bitte bei Redaktion nachfragen! DIE werden gerne Auskunft geben.

Mir sind ja sage und schreibe scho bald es halbs Jahr da in Canada. Mir hend scho en huufe erläbt und gseh. Aber sicher werdet mir na en huufe Moment feschthalte für euseri letschte ca. 6 Newsletter.

Es Grüssst das Harvestteam aus Canada!